



# GEREJA ST. ANTHONY

St. Anthony's Church

Jln Sultan Iskandar, P. O. Box 12,  
97007 Bintulu, Sarawak, Malaysia.  
Tel: 086-312184, 332141 Fax: 086-311259

民都魯聖安東尼聖堂

信箱：12號, 97007 民都魯, 砂羅越。  
電話：086-312184, 332141  
傳真：086-311259

Saudara dan saudari yang seiman dalam Kristus,

Sekiranya kamu ada mengikuti bacaan pertama dari misa harian minggu lepas, kamu pasti ada membaca mengenai cabaran-cabaran orang-orang Kristian awal dalam Kisah Para Rasul. Bacaan pertama pada hari Jumaat (16/4) berakhir dengan kata-kata ini, "*Mereka berkhotbah setiap hari di Bait Suci dan di rumah-rumah persendirian, dan pengkhabaran mereka tentang Berita Baik Yesus Kristus **tidak pernah terganggu.*** (Kisah 5:42)" Disebabkan oleh pandemik ketika ini, kehidupan paroki kita (Ekaristi, Sekolah Minggu, RCIA, Cell group, perjumpaan doa, melayani orang sakit, bertemu satu sama lain, dll) ditangguhkan ataupun telah terganggu. Keadaan adalah tidak seperti dulu. Ramai yang menyebut ini sebagai norma baharu. Kita masih belum tahu bilakah kita akan dapat merayakan Misa bersama di Gereja.

Tuhan berbicara kepada saya melalui ayat ini dan saya telah memutuskan untuk mengambil inisiatif untuk mencari cara baharu bagi memastikan keperluan rohani umat dapat dipenuhi (selain daripada siaran langsung Misa Ahad dan misa harian). Seperti orang-orang Kristian awal dari Kisah Para Rasul, kita harus memastikan bahawa pengkhabaran Berita Baik Yesus di paroki kita tidak pernah terganggu, terutamanya ketika kita benar-benar perlu untuk diperkuatkan oleh Firman Tuhan. Oleh itu, saya telah memulakan pertemuan melalui zoom dengan pelbagai 'prayer group' dengan harapan "untuk menyemarakkan karunia Allah yang maha pemurah" (2 Tim. 1: 6) agar seperti dua murid yang bertemu dengan Yesus dalam perjalanan ke Emaus, kita juga dapat mengatakan, "Bukankah hati kita berkobar-kobar, ketika Ia berbicara dengan kita di tengah jalan dan ketika Ia menerangkan Kitab Suci kepada kita?" (Lukas 24:32).

Itulah sebabnya kita perlu mencari cara baharu untuk bertemu dan berkongsi Firman Allah demi saling memperkuatkan dan membangunkan antara satu sama lain dalam masa pandemik yang sukar ini. Mulai minggu ini, kita akan mengadakan lebih banyak perjumpaan melalui zoom untuk semua 'prayer group' untuk berkumpul bersama sebagai satu komuniti yang dipenuhi dengan Roh Kudus, setia untuk mengkhabarkan Berita Baik Yesus. Semua dialu-alukan untuk turut serta dan hadir. Jangan biarkan penjarakan sosial membawa kita mengalami penjarakan emosi dan akhirnya menjarakkan kita dari Allah dan dari satu sama lain secara rohani. Semoga kita sentiasa ingat bahawa di mana dua atau tiga orang berkumpul dalam nama Yesus, Dia hadir di antara mereka (Mat.18: 20) dan bahawa Yesus selalu bersama kita, hingga akhir zaman (Mat 28:20).

Gembalamu,  
Fr. Andy Lee (Rector of St. Anthony's Church, Bintulu)  
(Good Shepherd Sunday, 25 April 2021)